

O'ZBEKISTON RESPUBLIKASI  
OLIV TA'LIM, FAN VA INNOVATSIYALAR VAZIRLIGI  
FARG'ONA DAVLAT UNIVERSITETI

**FarDU.  
ILMIY  
XABARLAR-**

1995 yildan nashr etiladi  
Yilda 6 marta chiqadi

3-2023

**НАУЧНЫЙ  
ВЕСТНИК.  
ФерГУ**

Издаётся с 1995 года  
Выходит 6 раз в год

<b>A.I.Tuychiyev</b>	
Uzluksiz ta'lim jarayonida o'quvchilarda intizomlik munosabatini shakllantirish .....	119
<b>R.K.Boyqo'zieva</b>	
Milliy madaniy merosimizni o'rganishda talabalar intellektual madaniyatini rivojlantirishning ijtimoiy jarayonlari .....	122
<b>U.L.Kuchkarov</b>	
5-7 Yoshli gimnastikachilarning jismoniy tayyorgarligini rivojlantirish.....	126
<b>N.A.Niyazova</b>	
Smart-jamiyatga o'tish kontekstida ta'limni axborotlashtirishning zamonaviy ilg'or pedagogik xamkorligi .....	130
<b>S.O'.Boybo'riyeva</b>	
Maktabgacha yoshdagi bolalarda nutq odobini shakllantirish muammolari.....	137
<b>N.S.Qanoatova</b>	
Talabalarning axborot texnologiyalari vositasida mustaqil ta'lim olishining nazariy-pedagogik asoslari .....	141
<b>O.M.Karimov</b>	
O'quvchilarda badiiy-ijodkorlik ko'nikmalarini rivojlantirishning ijtimoiy-pedagogik zarurati .....	146
<b>S.A.Qo'chqorov</b>	
Chaqiriqqacha boshlang'ich tayyorgarlik elementlari vositasida talabalarni harbiy xizmatga tayyorlashda vatanga fidoyilik tushunchalarini singdirishning dolzarbligi .....	151
<b>I.A.Imomov</b>	
Zamonaviy yondashuvlar asosida oliy ta'lim jarayonida talabalarda yuzaga keladigan nizolarning pedagogik tahlili .....	156
<b>Sh.Mo'minov, T.Mo'minov</b>	
Notiqlik va vatanparvarlik uyg'unligining lingvokulturopedagogik tadqiqi .....	161
<b>B.X.Baydjanov, N.X.Quziyeva</b>	
Boshlang'ich sinflar o'quvchilarida ijodiy tasavvurni rivojlantirish imkoniyatlari .....	164
<b>D.O'.Yusupova</b>	
Chet tili o'qitishning modellari haqida.....	168
<b>A.I.Soyibnazarov</b>	
O'quvchilarning ijodkorlik qobiliyatlari va ularni rivojlantirishning falsafiy, pedagogik va psixologik asoslari.....	172
<b>A.M.Toshpo'latov</b>	
Yoshlarni xarbiy xizmatga jismonan chidamlilik ruhida tarbiyalash metodikasi .....	177
<b>Sh.X.Azamov</b>	
Zamonaviy ta'lim jarayonida loyihalash faoliyatini tashkil etish .....	183
<b>A.Tadjibaeva</b>	
Ta'lim jarayonidagi inklyuzivlik teng ta'lim olishni ta'minlash omili sifatida .....	187
<b>F.V.Xalilov</b>	
Talabalar mustaqil ta'limining bugungi holati va uni samarali tashkil etishda didaktik vositalardan foydalanish.....	194
<b>M.M.Kataeva</b>	
Ta'lim jarayonida mobil ta'limning tahlili va tavsiyalar .....	198
<b>E.K.Muxtarov</b>	
Ikki o'lchamli potensial o'radagi zarrachaning kvant holatini modellashtirish .....	203
<b>M.M.Tojiboyev, D.S.Yunusova, M.R.Xursantova</b>	
Mustaqil darslarning asosiy shakllari va tashkil etilishi .....	208
<b>U.Sh.Abduraximova</b>	
Bo'lajak tarjimonlarning lingvomadaniy va kommunikativ kompetentligini rivojlantirishning nazariy-metodologik asoslari.....	212
<b>B.X.Baydjanov, Sh.I.Xolmatova</b>	
Boshlang'ich sinf o'quvchilarini badiiy asarlarni ifodali o'qishga o'rgatish texnologiyalari.....	220
<b>A.U.G'ofurov</b>	
Bo'lajak jismoniy tarbiya fani o'qituvchilarining sport turizmiga tayyorlashning o'ziga xos xususiyatlari .....	224

**MILLIY MADANIY MEROSIMIZNI O'RGANISHDA TALABALAR INTELLEKTUAL  
MADANIYATINI RIVOJLANTIRISHNING IJTIMOY JARAYONLARI****СОЦИАЛЬНЫЕ ПРОЦЕССЫ РАЗВИТИЯ ИНТЕЛЛЕКТУАЛЬНОЙ КУЛЬТУРЫ  
СТУДЕНТОВ ПРИ ИЗУЧЕНИИ НАЦИОНАЛЬНОГО КУЛЬТУРНОГО НАСЛЕДИЯ****SOCIAL PROCESSES OF STUDENTS' INTELLECTUAL CULTURE DEVELOPMENT IN  
THE STUDY OF OUR NATIONAL CULTURAL HERITAGE****Boyqo'ziyeva Rano Karimovna<sup>1</sup>****<sup>1</sup>Boyqo'ziyeva Rano Karimovna**

– Farg'ona politexnika instituti, «Ijtimoiy fanlar va sport» kafedra assistenti

**Annotatsiya**

*Mazkur maqolada bo'lajak mutaxassisni har tomonlama rivojlangan komil inson qilib tarbiyalash o'quv muassasasida zamonaviy ta'lim berishning asosiy maqsadi ekanligi, ta'lim tizimi ijtimoiy-iqtisodiy talablarga yo'naltirilgan va ma'lum sohadan yaxshi xabardor bo'lgan, malaka, ko'nikma, mahoratga ega mutaxassisga bo'lgan ijtimoiy ehtiyojga bog'liq bo'lishi, ular doimo o'z bilimlari, intellektual qobiliyatlari, madaniyatini to'ldirib va takomillashtirib borishi, talabalar intellektual madaniyatini shakllantirishga bo'lgan asosiy yondashuvlar tadqiq qilingan.*

**Аннотация**

*В статье рассматривается вопрос конечной цели современного обучения в образовательном учреждении — воспитания будущего специалиста как всесторонне развитой личности. Система образования зависит от социальных потребностей специалиста ориентированных на социально-экономические требования, который должен хорошо разбираться в конкретной области знаний, обладать навыками, интеллектуальными способностями, культурой, постоянно пополнять и совершенствовать свои знания. Рассмотрены основные подходы к формированию интеллектуальной культуры учащихся.*

**Abstract**

*In the article have been explored final targets of modern education, the issues of breeding professional as a fully developed person. The ultimate goal of modern teaching in an educational institution is depends of social needs of the specialist focused on socio-economic requirements. The basic approaches to the formation of students' intellectual culture are considered.*

**Kalit so'zlar:** bo'lajak mutaxassis, ta'lim, ta'lim tizimi, aksiologiya, intellekt, intellektual faoliyat, intellektual madaniyat.

**Ключевые слова:** будущий специалист, образование, система образования, аксиология, интеллект, интеллектуальная деятельность, интеллектуальная культура.

**Key words:** future specialist, education, education system, axiology, intelligence, intellectual activity, intellectual culture.

**KIRISH**

O'zbekiston xalqining boy intellektual merosi va umuminsoniy qadriyatlar asosida zamonaviy madaniyat, iqtisodiyot, fan-texnika va texnologiyaning yangi yutuqlari asosida mukammal tayyorgarlikdan o'tgan kadrlarni tayyorlashning yangi tizimini shakllantirish O'zbekiston Respublikasi taraqqiyotining muhim shartlaridan biri bo'lib qoldi. Aytish mumkinki, barkamol insonning shakllanishi uning munosib kasb-korni egallashi jamiyat taraqqiyoti uchun baholi qudrati o'z hissasini qo'shib yashashi va shu orqali jamiyatda o'zligini namoyon etishi, ya'ni shaxsning kamol topishi nazarga olingan, yoshlarning kasb tanlashga pedagogik-psixologik bilim, ko'nikma, malakalar, shuningdek, jamiyatning ta'siri orqali tayyorlash va tarbiyalash lozim. Mazkur jarayonda shaxsdan kasbga doir bilimlarga ega bo'lish talab qilinadi. Shuning uchun ham o'quvchilarni kasblar olamiga doir bilimlar bilan qurollantirish hamda amaliy ko'nikma va malakalarni hosil qilish lozim. Buning uchun kasblarga doir qo'llanmalar, tarqatma materiallar bilan ta'minlash lozim. Shundagina kasb tanlash jarayonida yuzaga keladigan turli qiyinchilik, ziddiyat, to'siqlarni oldini olgan holda o'quvchi-yoshlarni ongli ravishda kasbga yo'llash imkoniga ega bo'lamiz.

**ILMIY MUAMMONING QISQACHA MAZMUNI**

Hozirgi zamon pedagogika fanida olib borilayotgan ilmiy tadqiqotlar ta'lim oluvchilarning intellektual madaniyatiga oid turli nazariy yondashuvlar, ilmiy konsepsiyalar, yondashuvlar, bahs-munozaralarni ilgari surmoqda. Chunonchi, globallashtirish sharoitida inson intellektual madaniyati

muammolarining pedagogik jihatlarini tadqiq qilishda turli xil yondashuvlar o'rtasida to'xtovsiz munozara, ilmiy bahs, tortishuvlar olib borilmoqda. Millat dunyoqarashini shakllantirish, ta'lim-tarbiya, axloq normalarini vujudga keltirish, ma'naviy barkamol insonni tarbiyalashda ta'lim o'z samarasini bermoqda. Ta'limning kuchi va uning samaradorligi yuksak bilimga ega bo'lish bilan izohlanadi. Zero, O'zbekiston Respublikasi Prezidenti Sh.M.Mirziyoyev ta'kidlaganidek, «Farzandlarimizning qobiliyatini ro'yobga chiqarishga bolalikdan e'tibor berib, ularning kamoloti uchun barcha imkoniyatlarimizni safarbar etsak, yurtimizdan yana ko'plab Beruniylar, Ibn Sinolar, Ulug'beklar etishib chiqadi»[1, 76].

Aynan buyuk bobolarimizning ilm fan yo'lida bosib o'tgan mashaqqatli hayot yo'li biz uchun namuna bo'lmog'i lozim. Ilmiy faoliyatning madaniy jihatlarini bo'lg'usi mutaxassislarda shakllantirish esa mamlakatimiz taraqqiyotini belgilovchi strategik vazifalardan hisoblanadi. Shu o'rinda qayd etish lozimki, insonning yuksak intellektual madaniyati uning oldida turgan murakkab iqtisodiy, ijtimoiy muammolarning yechimini topishda va taraqqiyot davomida ma'naviy inqirozdan olib chiqishda, hatto ilohiy e'tiqodining mustahkam bo'lishida muhim rol o'ynaydi.

**Mavzu bo'yicha boshqa olimlar ilmiy asarlari qisqacha tahlili.** Intellektual madaniyatning mazmuni, tuzilishi, shakllanish mexanizmlarini to'liq anglamay turib, talabalar intellektual madaniyatining mohiyatini tushunib bo'lmaydi. SHU nuqtai nazardan qaraganda, tadqiqot mavzusi doirasidagi muammolarni o'rganishda intellektual madaniyatning mantiqiy-psixologik asoslari, strukturaviy elementlari, intellektual jarayonlarning boshqa shakllari bilan o'zaro aloqadorligi hamda uzluksiz ta'limning unga ta'siri bilan bog'liq masalalar jahon faylasuf olimlar tomonidan tizimli tahlil qilingan. Ushbu sohani o'rgangan olimlar qatoriga G'arbda G.Ayzenk, A.Bine, F.Galton, V.Shtern, L.Terstoun, Dj.Gilford, R.Sternberg, X.Gardner[2, 512] va MDH davlatlaridan O.D.Shipunova[3, 354], A.Zinovev[4, 11-13], D.V.Mitrofanov[5, 14-19], G.A.Voronsov[6, 66-71] ni kiritish mumkin. O'zbekistonlik olimlardan O.Oqyulov[7, 1-4], M.Qalandarova[8, 15-17], V.I.Andriyanova[9, 138-143] kabi tadqiqotchilar intellektual madaniyat to'g'risida alohida tadqiqot olib bormagan bo'lsalar-da, lekin badiiy-falsafiy va huquqiy muammolariga bag'ishlangan izlanishlarda uning tarkibiga oid jihatlarni tilga oladilar. Intellektual madaniyatning uch elementi, ya'ni intellektual-pedagogik, ijtimoiy-huquqiy, ma'naviy-axloqiy jihatlarini tavsiflaydi.

- Birinchi elementga fan asoslarini egallash, shuningdek, shaxsda intellektual qobiliyat va malakalarni shakllantirishni kiritadi,

- Ikkinchi jihat intellektual madaniyatning ijtimoiy-huquqiy omillari,

- uchinchi esa uzluksiz ta'lim obyekti va subyekti o'rtasidagi dialektik aloqadorlikdan tashkil topuvchi intellektual faoliyatda milliy va umuminsoniy omillarning o'rnidir. Talabalar intellektual madaniyatini rivojlantirish muammosini o'rganishda aqliy rivojlanishning diagnostik metodlari yaratilishi yangicha ma'no kasb etdi. Sobiq ittifoq davrida chop qilingan ijtimoiy-psixologik mazmundagi adabiyotlarda ham talabalar intellektual madaniyatini rivojlantirishni o'rganishga muayyan ma'noda e'tibor bilan qaralgan. Tadqiqotchi A.G.Ananev va uning safdoshlari talabalar intellektual madaniyatining muhim tarkibiy qismi bo'lgan ijodiy tafakkur, D.B.Bogoyavlenskaya intellektual faollik sohasida tadqiqotlar olib borgan, A.A.Brudniy esa intellektual madaniyatning sifatii jihatlari va funksiyalarini tahlil qilgan[10, 544]. Talabalar intellektual madaniyati taraqqiyoti insoniyat rivojlanishi, ijtimoiy (ilmiy-texnikaviy) ravnaq ta'sirida yuz beradi, konkretlashadi.

#### MAQOLANING ILMIY YANGILIGI

Intellektual madaniyat bo'lajak mutaxassisning rivojlanish darajasini ko'rsatadi va aniq tashkil etilgan bilimlilik simbiozini, mustaqil fikrlash qobiliyatini, o'z faoliyatining ustuvor yo'nalishlarini ajrata olish layoqatini, shuningdek o'qish va yangi bilimlarni egallash istagi, ularni baholash va tartibga solish, har qanday vazifaga ijodiy yondashish va aniq yo'naltirilgan maqsadga muvofiq ravishda vaziyatga ko'ra harakat qilib, o'z rejasini amalga oshirishni ifodalaydi. Talabalar intellektual madaniyati ikkita, ya'ni aksiologik va faoliyatga oid asosni ajratishdan iborat. Mazkur maqolada talabalar intellektual madaniyatining asosiy, bir-biriga bog'liq tizimli tarkibiy qismlari ehtiyojga oid-asoslangan, kognitiv, tashkiliy-faoliyatga oid va ergonomik jihatlari tadqiq etilgan.

#### TADQIQOTNING OBYEKTI

Oliy ta'lim tizimi talabalarida intellektual madaniyatni rivojlantirish jarayonining ijtimoiy pedagogik jihatlari belgilandi. Tadqiqotni olib borishda muammoga doir siyosiy, falsafiy, sotsiologik, psixologik, pedagogik adabiyotlarni qiyosiy-tanqidiy o'rganish va tahlil etish usullaridan foydalanilgan.

**NATIJALAR VA AMALIY MISOLLAR**

Bo'lajak mutaxassisning intellektual madaniyatini rivojlantirish ham ilmiy -nazariy, ham amaliy darajadagi muammo bo'lib, bu ishlab chiqarish va inson faoliyatining boshqa sohalarida puxta bilimlil intellektual xodimlarga ehtiyoji balandligi bilan bog'liq. Zamonaviy jamiyat nostandart vaziyatlarda mustaqil va mas'uliyatni o'z zimmasiga olgan holda qaror qabul qilishga qodir, o'z malakasini doimiy o'stirishga ehtiyoj sezuvchi, ya'ni faol va tashabbuskor fuqarolarga, o'zini rivojlantirib borishga tayyor va o'rtacha imkoniyatlar chegaralarini doimiy bartaraf qilishga tayyor, yuksak intellektual ijodiy salohiyatga ega bo'lgan bilimdon odamlarga muhtoj. Bu intellektni sifatli rivojlantirish bo'yicha aniq maqsadga yo'naltirilgan faoliyat olib borishni talab qiladi, u intellektual madaniyat fenomenida namoyon bo'ladi. Oddiy bilimlar tizimini o'zlashtirishda insonda yuksak bilimlarni o'zlashtirishning predmetga xos mantiqiyiligini gavdalanitirib, mantiqan izchil tafakkur shakllanadi.

Talabaning intellektual madaniyati bo'lajak mutaxassisning rivojlanish darajasini ko'rsatadi va bilimlilikning aniq tashkillangan simbiozi, mustaqil fikrlashi, o'z faoliyatining eng muhim yo'nalishini ajrata olishi, shuningdek o'qib-o'rganishi, yangi bilimlarni egallashga bo'lgan istagi, ularga baho berish va tartibga solishi, har qanday topshiriqqa ijodiy yondashishi, vaziyatga qarab oldiga qo'ygan aniq maqsadlariga erishishidan iborat. Talabalarning intellektual madaniyatini tadqiq etishda «Talabalarda intellektual madaniyatni innovatsion usulda rivojlantirish texnologiyasi («Falsafa» (etika, estetika, mantiq) fani misolida)» deb nomlangan tadqiqot o'tkazildi. Biz talabalarning intellektual madaniyat mohiyati va tuzilishining tarkibiy qismlarini ishlab chiqishda shaxsga oid yondashish g'oyalari, insonning intellektual madaniyatini shaxsning mohiyatga oid kuchga erishishga yo'naltirilganlik sifatida va inson imkoniyatlarini yuzaga chiqarish konsepsiyasi, qobiliyatlarini ijodiy tatbiq qilishga tayanamiz. Talabaning intellektual madaniyati tuzilishiga doir o'tkazilgan tahlil asosida biz quyidagi o'zaro bog'liqlik tarkibiy qismni ajratib ko'rsatdik: 1) ehtiyojga oid motivatsion tarkibiy qism talaba shaxsining biror maqsadga qaratilganligi, uning qiziqish va bilishga oid dominant doirasi, turli darajadagi intensivlik va samaradorlikda intellektual istaklarini amalga oshirishga imkon beruvchi qadriyatlar tizimini belgilaydi; 2) kognitiv tarkibiy qism talabaning intellektual qobiliyati sifati va fikrlash madaniyatining alohida tomonlarining shakllanganligini aniqlaydi: bilish jarayonining rivojlanganligi, tahlil (analiz) va sintez qilish, toifalash (kategorizatsiya), umumlashirish va klassifikatsiyalash, ya'ni ma'lumotlar oqimida yo'nalishi va ularni qayta ishlashni o'ziga xos xususiyatlarini aniqlay olish qobiliyatida namoyon bo'ladi; 3) tashkiliy-faoliyatga oid tarkibiy qism tadqiqotchilik va ijodiy faoliyatni tashkillash usullarini egallaganligini, natijalarini qayd qilish va rasmiylashtirishni bilishi, nutqining sifati va intellektual yutuqlar mohiyatini bayon qilish qobiliyati, o'z nuqtai nazarini asoslay olishi, o'zini nazorat qilish va intellektual faoliyatini o'zi baholay olish ko'nikmalarining egallaganligi, mustaqil o'qib bilim orttirishga tayyorligini belgilaydi; 4) ergonomik tarkibiy qism intellektual faoliyatni oqilona tashkil qilishdagi, o'z kuchlarini to'g'ri taqsimlash va qattiq charchashning oldini olishdagi, intellektual mehnatni tashkil qilishga ergonomik talablarni qo'yishdagi, aqliy faoliyatning estetik tomonida aks etishi mumkin bo'lgan natijalarga kam sarf qilib katta natijalarga erishishdagi bilim va malakalarining mavjudligini belgilaydi.

**XULOSA**

Talabaning intellektual madaniyatini shakllantirish oliy ta'lim muassasasida puxta o'ylangan va aniq maqsadga yo'naltirilgan faoliyatni tashkillashni talab qiladi, bunda oliy ta'lim muassasalari bitiruvchi mutaxassislar intellektual madaniyatini yuqori darajada rivojlantirishda quyidagilarga e'tibor qaratish talab etiladi: 1. Talabalar intellektual madaniyatini rivojlantirish quyidagi uchta tarkibiy qismdan iborat: intellektual, hissiy ixtiyoriy hamda amaliy harakatli faoliyat tajribasi. Mazkur tarkibiy qismlardan intellektual va hissiy-emotsional komponent muhim ahamiyatga ega bo'lib, ta'limning axborotlashuvi sharoitida virtual dunyoqarash va virtual reallikni hisobga olishni talab etadi. 2. Virtual dunyoqarash murakkab ijtimoiy fenomen sifatida istiqbolli rivojlanishning muhim omili bo'lib xizmat qiladi. Talabalarning internet tarmog'i orqali, interfaol dasturiy vositalar asosida ilmiy axborotlar bilan muntazam tanishib borishi ularning virtual dunyoqarash malakasini egallashini taqozo etadi. Virtual reallik hodisasi fan va texnikaning rivojlanishi bilan uzviy bog'liq bo'lib, ijtimoiy-tabiiy tizimlarning barqaror rivojlanishi, bugungi kunda va kelajakda hayot sifatini yaxshilash jarayoni sifatida talabalar intellektual madaniyatini rivojlantirishning muhim omili bo'lib xizmat qiladi. 3. Talabalar intellektual madaniyatini rivojlantirishga yo'naltirilgan o'quv-biluv jarayoni o'zining muayyan bosqichlariga ega bo'lib, bu bosqichlarda egallangan amaliy tajribalar, nazariy bilimlar va mantiqiy fikrlash darajalariga tayangan holda ularning ilmiy dunyoqarashlarini shakllantirishga yo'naltirilgan didaktik tizim taqdim qilinadi. Talabalarda shakllangan intellektual madaniyatning har bir muayyan darajasi o'zining aniq

## PEDAGOGIKA

belgilariga ega bo'lib, ular ta'lim oluvchilar ilmiy dunyoqarashining muntazam tarzda bir bosqichdan ikkinchisiga o'tib uzluksiz rivojlanishini ta'minlaydi. 4. Talabalar intellektual madaniyatini rivojlantirishda o'qituvchining kasbiy nuqtai nazari muhim o'rin tutib, malaka oshirish kurslari o'quv rejasiga «Intellektual madaniyat va ilmiy-ijodiy mas'uliyat» o'quv modulini kiritish maqsadga muvofiq.

## ADABIYOTLAR RO'YXATI

1. Мирзиёев Ш.М. Нияти улуғ халқнинг иши ҳам улуғ, ҳаёти ёруғ ва келажаги фаровон бўлади. 3-том. — Т.: «Ўзбекистон», 2019. —76-б.
2. Гарднер Х. Структура разума: теория множественного интеллекта. — М.: «Бизнес книга», 2007. -С. 512.
3. Шипунова О.Д. Интеллект и субъективность (социально-философский анализ): Дис. ... д-ра филос. наук. — Санкт-Петербург, 2004. -С. 354.
4. Зиновьев А. Высшее образование и логика интеллекта. // Alma mater, 2004, № 5. -С. 11-13.
5. Митрофанов Д.В. Особенности интеллектуальной культуры студентов. // Вестник Тамбовского университета. Серия Гуманитарные науки. Тамбов, 2016. Вып. 10 (162). -С. 14-19
6. Воронцов Г.А. Культура интеллектуального труда как составляющая современного образования. // Ректор Вуза, 2011, №1. —С. 66–71.
7. Оқюлов О. Интеллектуал салоҳиятни сақлаб қолишга қаратилган чоралар. / Ҳуқуқ: Ички ишлар вазирлиги «Академия» илмий-назарий юридик журнал. — Т.: «Шарқ», 2005, № 1. -С.1-4.
8. Қаландарова М. Таълим жараёнида ўқувчиларни ақлий-интеллектуал ривожлантиришнинг дидактик имкониятлари / «Uzluksiz ta'lim» ilmiy-uslubiy jurnal. — Т.: «Шарқ», 2010. № 1. -С.15-17
9. Андриянова В.И. Интеллектуальное воспитание и обучение учащихся. / «Халқ таълими» илмий-методик журнал. -Т., 2005, 1-сон. - С. 138-143.
10. Старовойтенко Е.Б. Современная психология: формы интеллектуальной жизни. Учебное пособие для ВУЗов. — М.: Академический проект БЦ, 2001. — С. 544.